

Broj: 01-114-14/23

Datum: 12.04.2023. godine

Na osnovu odredbi člana 69. stav (1) tačka b) i stav (2) tačke a), d) i e) Zakona o javnim nabavkama („Službeni glasnik BiH“, broj 39/14, 59/22), na Preporuku o poništenju postupka nabavke za lotove: 1 i 5; broj: 01-114-9/23 od 06.04.2023. godine, u postupku javne nabavke – Intraokularna sočiva za potrebe Odsjeka za oftalmologiju, direktor Javne ustanove Opća bolnica „Prim. dr. Abdulah Nakaš“, donio je

ODLUKU
o poništenju postupka javne nabavke

Član 1.

Poništava se postupak javne nabavke roba: Intraokularna sočiva za potrebe Odsjeka za oftalmologiju, jer jedina dostavljena ponuda ponuđača BAROŠ d.o.o. Sarajevo nije prihvatljiva, za:

1. LOT 1 – Jednodijelna i trodijelna monofokalna IOL i IOL sa produbljenim fokusom za stražnju komoru s viskoelastičnom supstancom

Poništava se postupak javne nabavke roba: Intraokularna sočiva za potrebe Odsjeka za oftalmologiju, jer do krajnjeg roka za prijem ponuda nije dostavljena nijedna ponuda za lot:

1. LOT 5 – IOL za prednju komoru sa angularnim hapticima

Član 2.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa odredbama člana 70. stav (6) Zakona o javnim nabavkama („Službeni glasnik BiH“, broj 39/14, 59/22).

Član 3.

Ova Odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa odredbama člana 71. stav (2) Zakona o javnim nabavkama („Službeni glasnik BiH“, broj 39/14, 59/22).

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 02D-1505/23 od 03.02.2023. godine.

Nabavka je sprovedena putem otvorenog postupka, JN-115/22.

Procijenjena vrijednost nabavke bez PDV-a je 1.945.020,00 KM na dvogodišnjem nivou, te po lotovima:

LOT 1 – Jednodijelna i trodijelna monofokalna IOL i IOL sa produbljenim fokusom za stražnju komoru s viskoelastičnom supstancom: 980.400,00 KM na dvogodišnjem nivou

LOT 2 – Jednodijelna i trodijelna monofokalna IOL za stražnju komoru sa viskoelastičnom supstancom: 364.200,00 KM na dvogodišnjem nivou

LOT 3 – Jednodijelna i trodijelna monofokalna i trifokalna IOL za stražnju komoru sa viskoelastičnom supstancom: 538.000,00 KM na dvogodišnjem nivou

LOT 4 – Intraokularna leća za prednju komoru kod afakije fiksirana za šarenicu: 47.600,00 KM na dvogodišnjem nivou

LOT 5 – IOL za prednju komoru sa angularnim hapticima: 15.000,00 KM na dvogodišnjem nivou

Obavještenje o nabavci, broj: 1125-1-1-52-3-25/23, objavljeno je na Portalu javnih nabavki dana 09.02.2023. godine. Sažetak Obavještenja o nabavci objavljen je u Službenom Glasniku BiH, broj: 11/23 od 17.02.2023. godine.

Komisija za nabavku, imenovana je Rješenjem, broj: 01-114-1/23 od 17.01.2023. godine.

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda, broj: 01-114-8/23 od 06.04.2023. godine, Preporuku o poništenju postupka nabavke, za lotove: 1 i 5, broj: 01-114-9/23 od 06.04.2023. godine i Izvještaj o radu, broj: 01-114-10/23 od 06.04.2023. godine, u postupku javne nabavke – Intraokularna sočiva za potrebe Odsjeka za oftalmologiju, i ostalo.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene 4 ponude,
- da su blagovremeno zaprimljene 4 ponude,
- da nije bilo neblagovremeno zaprimljenih ponuda,

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponudača te pregled i ocjenu ponuda, u skladu sa kriterijima iz Tenderske dokumentacije.

Nadalje, u postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

- Ponuda ponuđača BAROŠ d.o.o. Sarajevo za lot 1 odbacuje se kao neprihvatljiva, u skladu sa odredbama člana 68. stav (4) tačka i) Zakona o javnim nabavkama („Službeni Glasnik BiH“ broj 39/14, 59/22), iz razloga jer je garanciju za ozbiljnost ponude za lot 1 dostavio odvojeno od ponude, a ne na način da garancija za ozbiljnost ponude uvezana u cjelinu čini sastavni dio ponude, kako je zahtijevano u odjeljku e) Ostali podaci, tačka 1. na stranici 18. Tenderske dokumentacije.

Obzirom da do određenog krajnjeg roka za prijem ponuda nije dostavljena nijedna ponuda za lot 5, poništava se predmetni lot u skladu sa odredbama člana 69. stav (2) tačka a) ZJN.

Obzirom da jedina pristigla ponuda za lot 1 nije prihvatljiva za Ugovorni organ, poništava se predmetni lot u skladu sa odredbama člana 69. stav (2) tačka d) ZJN.

Iz navedenih razloga, primjenom odredbi člana 69. stav (1) tačka b) i stav (2) tačke a) i d) ZJN, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: **Javna ustanova Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo.** Žalba se podnosi u najmanje 3 (tri) primjerka.

Pripremila:

Aldijana Ećo, BA prava, službenik za javne nabavke

Kontrolisala:

Amira Petrović, BA općeg prava, šef Odsjeka za javne nabavke



O
a etanović

Dostaviti:

- Ponuđaču: BAROŠ d.o.o. Sarajevo
- Odjeljenje za ekonomsko – finansijske poslove
- Odsjek za javne nabavke
- Bolnička apoteka